



tourism

Department:
Tourism
REPUBLIC OF SOUTH AFRICA

**MOSUPATSELA
WA
LEFAPHA LA BOJANALA**
*Go ya ka karolo 14 ya
Molao wa Tsweletso ya Phitlhelelo ya Tshedimosetso, 2000
(Molao 2 wa 2000)*

LENANE LA DITENG

Dintlha	Dinomoro tsa ditsebe
1. Maitlhommo a mosupatsela	3
2. Kaelo ya karolo 10 ya mesupatsela yotlhe mo Rephaboliking ya Aforikaborwa	3
3. Dintlha tsa kgokagano tsa Motlhankedi wa Tshedimosetso/Mo/Batlatsabatlhankedi ba Tshedimosetso	3 - 4
4. Makala a Lefapha la Bojanala	4 - 5
5. Direkoto tse di tshotsweng ke Lefapha tse di fitlhelegang	5 - 6
6. Phitlhelelo ya direkoto go ya ka karolo 14(1) (e)	6
7. Tlhaloso ya ditlhopho tsa direkoto tse di fitlhelegang mabapi le tlhatlhobo go ya ka Karolo 15(1) ya <i>Promotion of Access to Information Act, 2000</i>	6 - 8
8. Mokgwa wa go Fitlhelela Direkoto tse di Fitlhelegang	8
9. Tsamaiso ya kopo	9 - 11
10. Tuelelo go ya ka Molao	11 - 12
11. Ditharabololo tse di leng teng fa go sa ikamangwa le dikabelo tsa Molao	12 - 13
12. Tlhabololo ya mosupatsela	13
13. Phitlhelelo ya mosupatsela	13

1. MAITLHOMO A MOSUPATSELA

Karolo 32 (1) ya Molaotheo wa Rephaboliki ya Aforikaborwa, 1996 e tlamela ka gore mongwe le mongwe o na le tshwanelo ya go fitlhelela tshedimisetso e e tshotsweng ke puso le tshedimisetso nngwe le nngwe e e tshotsweng ke motho yo mongwe e e tshokegang mabapi le tiragatso kgotsa tshireletso ya tshwanelo nngwe le nngwe. *Promotion of Access to Information Act*, 2000 (Molao 2 wa 2000) (o morago o itsegeng jaaka "PAIA"). PAIA ka jalo e lemoga gore tshwanelo ya phitlhelelo ya tshedimisetso e go ya ka ditekanyetso tse di tshalosegang.

Dintlha tsa direkoto tse di tshotsweng ke mokgatlho wa puso di ka fa gare ga buka e e itsegeng jaaka mosupatsela. Ka jalo mosupatsela o amana le direkoto tse di tshotsweng ke mokgatlho wa puso. Direkoto tse di tshotsweng di mabapi le ditiro tsa lekala lengwe le lengwe. Go farologanya magareng ga ditiro tsa lekala lengwe le lengwe, direkoto tsa lekala lengwe le lengwe di abelwa dinomoro ka go farologana. Rekoto nngwe le nngwe e na le taelo ya tatlho.

Ntle le direkoto, tse gape di bidiwang difaele, mosupatsela o na gape le tshedimisetso ka ga diaterese tsa Tlhogo ya Lefapha mmogo le ya Mo/Batlhankedi ba tshedimisetso ba mokgatlho wa puso gape le leina la lekala lengwe le lengwe mo mokgatlhong wa puso, ditirokgolo tsa lona le lenane la direkoto tsotlhe tse di tshotsweng ke mokgatlho wa puso.

2. KAELO YA KAROLO 10 YA MESUPATSELA YOTLHE MO REPHABOLIKING YA AFORIKABORWA

Khomišene ya Ditshwanelo tsa Botho ya Aforikaborwa (SAHRC) go ya ka karolo 10 ya PAIA, e rulagantse kaelo ka ga tirisano ya PAIA. Kaelo eno e fitlhelwa kwa diofising tsa SAHRC.

Lekala la PAIA (Tswelletso ya Phitlhelelo ya Tshedimisetso) kwa Khomišeneng ya Ditshwanelo tsa Botho ya Aforikaborwa
Lefapha la Dipatlisiso le Makwalo
Private Bag X2700
HOUGHTON
2014

Mogala
Webesaete
imeile

+27 11 877 3600
www.sahrc.org.za
PAIA@sahrc.org.za

3. DINTLHA TSA KGOKAGANO TSA MOTLHANKEDI WA TSHEDIMOSETSO LE MO/BATLATSABATLHANKEDI BA LEFAPHA LA BOJANALA

MOTLHANKEDI WA TSHEDIMOSETSO

Mokaedikakaretso: Lefapha la Bojanala: Rre Victor Tharage
Private Bag X424
Pretoria
0001

Mogala: +27 444 6721/6379
Fekese: +27 444 7040
Imeile: vtharage@tourism.gov.za
Fekese ya imeile: +27 444 7101

Tlhaloso ya ditiro:

Go tlamela ka boeteledipele jwa togamaano le kaelo mo lefapheng.
Go aga lefapha gore le nne mokgatlo o o kgonang go aba mabapi le ditlapele tse di beilweng ke Tona le Kabinete.
Go netefatsa gore maikaelelo a togamaano le ditlamorago tse di beetsweng lefapha di a fitlhelelwa.
Go aga setlhopha se se nang le bokgoni, se se itlamang e bile se diragatsa mo lefapheng.

MOTLATSAMOTLHANKEDI WA TSHEDIMOSETSO: Moh Mmaditlonki Setwaba

Mokaedimogolo: Ditirelo tsa Molao: Lefapha la Bojanala
Fekese ya imeile: +27 444-7101
Imeile: msetwaba@tourism.gov.za

Tlhaloso ya ditiro:

Go nolofatsa tsenyotirisong le thulaganyo ya PAIA ka Lefapha la Bojanala le go tlamela katiso ka ga PAIA mo Lefapheng.

4. MAKALA MO LEFAPHENG LA BOSETŠHABA LA BOJANALA

1. Bolaodimmogo	Go tlamela ka boeteledipele jwa togamaano, bolaodi le ditirelo tsa tshegetso kwa bolaoding.
2. Dipatlisiso tsa Bojanala, Pholisi le Dikamano tsa Bodišhaba	Go rulaganyetsa le go ela tlhoko tiragatso ya lephata la bojanala ka dikamano tse di kgontshang tsa bannaleseabe le tikologo ya pholisi.
3. Tlhabololo ya Magorogelo	Go nolofatsa le go tsamaisa tlhabololo ya magorogelo ka go rulaganya magorogelo, kuno ya bojanala, maitemogelo le tlhabololo ya

	mafaratlhatlha, tsweletso ya dipeeletso le kabelo ya mananeo a bojanala go akaretsa le dithotloetso le go direla bojanala jo bo tshegetsang baagi ba ba amogelang baeti go naya baeti maitemogelo a boleng le go oketsa boitekanelo jwa baagi.
4. Ditirelo tsa Tshegetso ya Lephata la Bojanala	Go tshegetsa phetolo ya lephata le ditirelo tsa bojanala ka tlhabololo ya batho, tshegetso ya dikgwebo le maatlametlo a ditirelo mo go netefatseng gore Aforikaborwa ke bogorogelo jo bo gaisang jwa bojanala.

5. DIREKOTO TSE DI TSHOTSWENG KE LEFAPHA, TSE DI FITLHELEGANG

Kgaolo eno e ka ga dikabelo tsa karolo 14(1) (d) ya Molao wa Tsweletso ya Phitlhelelo ya Tshedimisetso, o o laelang gore mokgatlo o tshwanetse go tlamela ka dintlha tsa direkoto tse o di tshotseng gore o diragatse dikopo mabapi le phitlhelelo ya tshedimisetso.

Mafapha a aroganya direkoto le tshedimisetso (e e maleba go ditiro le ditirelo tsa Lefapha) ka ditlhopha tse di latelang:

- 5.1 Dipholisi, ditogamaano, ditholelo, dikitsiso tsa puso le peomolao
- 5.2 Dipolelo le dipuo tsa bobegakgang
- 5.3 Direkoto tsa badiri tsa Lefapha
- 5.4 Direkoto tsa ditšhelete tsa Lefapha
- 5.5 Manaanetema le metsotso ya dikopano tsa Lefapha
- 5.6 Tshedimisetso ya tsamaiso ka kakaretso
- 5.7 Dipegelo tsa Lefapha
- 5.8 Makwalotiko a ka fa gare, dimemorantamo tsa ka fa gare, makwalo, dimemorantamo tsa kabinete
- 5.9 Dikonteraka, ditumalano tsa boditšhaba
- 5.10 Tshedimisetso e e tsepameng ya lekala jaaka go tlhalositswe mo temaneng 4
 - 5.10.1 Maano a dikgwebo
 - 5.10.2 Dikwalo tsa togamaano
 - 5.10.3 Tshedimisetso e e tsepameng ya mananeo
 - 5.10.4 Dikwalo tsa dipatlisiso

Go akareditswe mo mosupatseleng ono ntlha ya difaele. Difaele ke didiriswa tse di dirisetwang go boloka direkoto mo Lefapheng. Faele nngwe le nngwe e na le nomoro le tlhaloso ka boripana ya direkoto tse di tsentsweng ka fa gare gape le setlhogo sa faele. Faele nngwe le nngwe e na le nomoro ya yona, letlha la pulo le la tswalo le taelo ya tatlho ya faele eo. Taelo ya tatlho e bothokwa ka ntlha ya gore e tlhomamisa seo se tshwanetseng go diragala ka faele morago ga go feta ga nako e e rileng, jaaka A10 e ka kaya gore faele e tshwanetse go romelwa kwa NASA (Lefelopolokelo la Bosetšhaba la Aforikaborwa) dingwaga tse lesome morago ga letlha la tswalo le le mo khabareng ya faele. Tona ya Bojanala o na le thulaganyo ya gagwe ya go tshola direkoto, e e tshwanang le ya Lefapha.

6. PHITLHELELO YA DIREKOTO GO YA KA KAROLO 14(1) (e)

Lefapha le tshwanetse, go ya ka karolo 15(1), romelela Tona ya Bosiamisi le Ditirelokgopololo lenane la direkoto tse di fitlhelegang ntle le kopo ya go phasalatsa mo *Lokwalodikgannyeng la Puso*.

Lefapha le romeletse Tona ya Bosiamisi le Ditirelo tsa Kgopololo lenane la tshedimosetso e e fitlhelegang gore le phasalatswe mo *Lokwalodikgannyeng la Puso*. Tshedimosetso eno e ka fitlhelwa gape mo webesaeteng ya Lefapha: <http://www.tourism.gov.za>.

7. TLHALOSO YA DITLHOPHA TSA DIREKOTO TSE DI FITLHELEGANG GORE DI TLHATLHOBIWE GO YA KA KAROLO 15(1) YA *PROMOTION OF ACCESS TO INFORMATION ACT, 2000*

DIREKOTO TSE DI FITLHELEGANG LE PHITLHELELO YA DIREKOTO TSEO:
(Karolo 15 ya *Promotion of Access to Information Act 2000* (Molao 2 wa 2000))
[Molawana 5A]

TLHALOSO YA SETLHOPHA SA DIREKOTO TSE DI FITLHELEGANG GO YA KA KAROLO 15(1)(a) YA <i>PROMOTION OF ACCESS TO INFORMATION ACT, 2000</i>	MOKGWA WA PHITLHELELO YA DIREKOTO (jaaka sekai webesate)(KAROLO 15(1)(a))
MABAPI LE TLHATLHOBO GO YA KA KAROLO 15(1)(a)(i):	
<p>(a) Tshedimosetso yotlhe mo webesaeteng Tshedimosetso e e latelang e fitlhelwa mo webesaeteng (www.tourism.gov.za):</p> <ul style="list-style-type: none"> - Ka ga Lefapha; - Bobegakgang; <ul style="list-style-type: none"> • Dikitsiso tsa Bobegakgang; • Dipolelo tsa Bobegakgang; • Dipuo; le 	<p>Go tswa mo webesaeteng ya Lefapha.</p>

- Ditaletso tsa Bobegakgang.
- Alemanaka ya Ditiragalo;
- Ditiro (Ditirelo);
- Dipegelo;
 - Dipegelo tsa Kotara tsa Tiragatso;
 - Dipegelo tsa Tekanyetsokabo jalo le jalo;
- Dintlha tsa Kgolagano tsa Merero ya Badirisi ya Porofense;
- Togamaano ya Lephata la Bojanala la Bosetšhaba (NTSS);
- Dipotso tse di Botswang Kgapetsakgapetsa;
- PAIA;
- Leano la Togamaano la Magareng la Lefapha la Bojanala;
- Leano la Bosetšhaba la Ngwao le Setso la Bojanala;
- Leano la Kgodiso ya Bojanala jwa Selegae;
- Leano la Bosetšhaba la Bojanala jwa Metseselegae;
- Tirelo e e Matsetseseleko ya Bojanala jwa Setšhaba;
- *Tourism Act, 2014*;
- Lenaneo la Thotloetso la Bojanala;
- Lefelo la Kitso;
- Maemo a Tirelo;
- Dikanego tsa Ditšhelete
- Mesupatsela le Ditaello
- Dikaelo tsa Bojanala:
 - Tshegetso ya go tlhopha ka maemo;
 - Phitlhelelo ya mmaraka; le
 - Tšhata ya Ditirelo.
- Pholisi le Ditirelo tsa Kitso;
- SDIP mabapi le NDT.
- Dikgang ka Kakaretso;
- Pholisi ya Lefapha le ditlhabololo tsa kotara;
- Dibukana;
 - Khoutu ya BBBEE ya Bojanala;
 - Dikwalo tse di amanang le BEE.
- Diphasalatso;
 - Pegelo ya Ngwaga;
 - Leano la Togamaano;
 - Leano la Tiragatso la Ngwaga;
 - Ditiro;
 - Dithendara
- Bukana;
 - Makasine wa Bannaleseabe wa Bojanala;
 - Tebelelo ya Pholisi ya Kotara

TSE DI FITLHELEGANG MABAPI LE THEKO GO YA KA KAROLO 15(1)(a)(ii):

(a) Lenane la direkoto fa godimo.	Direkoto di ka fitlhelelwa ka kopo e e kwetsweng le ka tuelo ya tlhotlhwa e e beilweng, kwa atereseng e e latelang: Motlhankedi wa Tshedimosetso The Department of Tourism Private Bag X 424 PRETORIA 0001
TSE DI FITLHELEGANG MABAPI LE GO DIRA DIKHOPI GO YA KA KAROLO 15(1)(a)(ii)	
(a) Lenane la direkoto fa godimo.	Direkoto di ka fitlhelelwa ka kopo e e kwetsweng le ka tuelo ya tlhotlhwa e e beilweng mo ntlheng 2 ya Karolo II ya Mametlelelo ya A ya melawana e e amanang le Molao wa Tsweletso ya Phithelolelo ya Tshedimosetso, kwa atereseng e e latelang: Motlhankedi wa Tshedimosetso The Department of Tourism Private Bag X 424 PRETORIA 0001
TSE DI FITLHELEGANG NTLE LE TUELO GO YA KA KAROLO 15(1)(a)(iii)	
(a) Lenane la direkoto fa godimo.	Direkoto di ka fitlhelelwa ka kopo e e kwaletsweng go: Motlhankedi wa Tshedimosetso The Department of Tourism Private Bag X 424 PRETORIA 0001

8. MOKGWA WA GO FITLHELELA DIREKOTO TSE DI FITLHELEGANG

Karolo 15 ya *Promotion of Access to Information Act*, 2000 e laela gore Lefapha le tshwanetse go phasalatsa mo *Lokwalodikgannyeng la Puso* šejule (lenane) ya direkoto tse di fitlhelegang mo Lefapheng. Dikopo tsa direkoto tseno ga di dirwe ka go tlatsa Foromo A e e neetsweng e e

dirisetswang go kopa tshedimosetso, e bile ga go tuelo epe e e tla dirwang ke mokopi, go ikaegile mo goreng a rekoto ke e e mo pampiring, disiki ya kompeke, setifi, kgatiso ya khasete, jalo le jalo.

Fa direkoto tseo di setse di beilwe kwa Lefelopolokelong la Bosetšhaba la Aforikaborwa, direkoto di tla fitlhelelwa ka go ikamanya le melao e e latelang e e diragatswang mabapi le tshekatsheko ya direkoto tseo:

- *Promotion of Access to Information Act, 2000 (Molao 2 wa 2000)*
- *Protection of Information Act, 1982 (Molao 84 wa 1982)*
- *National Archives and Records of South Africa Act, 1996 (Molao 43 wa 1996)*

9. TSAMAIISO YA KOPO

9.1 Dikopo tsa phitlhelelo ya tshedimosetso

Mongwe le mongwe o na le tshwanelo ya go kopa phitlhelelo ya tshedimosetso e e gatisitsweng e e tshotsweng ke Lefapha, fa kopo e dirwa mo foromong e e neetsweng le fa dituelo tse di beilweng di dirilwe. Phitlhelelo gape e laolwa ke mabaka a tlotlhololo a a fitlhelwang mo Kgaolong 4 ya PAIA. Kopo e ka dirwa ke mongwe le mongwe yo o dirang mo dikgatlhegelong tsa gagwe kgotsa yo o dirang mo boemong jwa mongwe yo o sa kgoneng go itirela.

9.1.1 Foromo e e Tlatswang

Mokopi o tshwanetse go tlatsa foromo e e neetsweng e e-

- ka fitlhelwang mo Melawaneng ya PAIA;
- mo webesaeteng ya SAHR kwa www.sahrc.org.za;
- mamettleletsweng mo lokwalong leno jaaka **Mamettlelelo A**; kgotsa
- fitlhelwang kwa senthareng ya tshedimosetso ya Lefapha kwa lefelong la kamogelo le le kwa meagong ya Lefapha.

9.1.2 Tsamaiso

- Kopo ya tshedimosetso e tshwanetse go romelwa go:

Mokaedikakaretso
Private Bag X 424
PRETORIA
0001

E lebiswe go:
Mogala: +27 12 444 6732
Fekese: +27 12 444 7040
Imeile: vtharage@tourism.gov.za

- (b) Mokopi o tshwanetse go bolela gore a o tla rata go bona khopi ya rekoto kgotsa o tla rata go tlathloba rekoto kwa diofising tsa mokgatlo wa puso. Ka gongwe, fa rekoto e se lokwalo la pampiri, e ka lejwa ka mokgwa o o kopilweng, fa go kgonega.
- (b) Fa mokopi a kopa go fitlhelela ka mokgwa o o rileng, o tla kgona go fitlhelela ka mokgwa o a o kopileng. Ntlha eno e tla diragatswa, fa fela go dira jalo go ka se kgoreletse tsamaiso ya Lefapha, kgotsa go senye rekoto, kgotsa go gatake tetlokhopi e e seng ya puso. Fa ka mabaka a a utlwagalang, phitlhelelo e sa kgonege ka mokgwa o o kopilweng, mme ka mokgwa o mongwe, tuelelo e tla balwa go ya mokgwa wa pele o mokopi a e kopileng ka ona.
- (c) Fa, ka tlaleletso go phetolo e e kwetsweng ya kopo ya rekoto, mokopi a batla go itsisiwe ka tshwetso ka mokgwa mongwe o o rileng, jaaka sekai, ka mogala, seno se tshwanetse go tlhagiswa.
- (d) Fa mokopi a batlela motho yo mongwe tshedimosetso, kemo eo kopo e dirwang ka yona e tshwanetse go tlhaloswa.

9.2 Kopo boemong jwa motho yo mongwe

Fa kopo e dirwa mo boemong jwa motho yo mongwe, mokopi o tshwanetse go romela bosupi jwa kemo eo a dirang kopo ka yona, go ya ka moo Motlatsamotlhankedi wa Tshedimosetso a tla kgotsotalang ka gona.

9.3 Kopo ka batho ba ba golafetseng

- (a) Fa mokopi a sa kgone go buisa kgotsa go kwala, kgotsa fa a na le bogole jo bo mo thibelang go ka tlatsa foromo e e neetsweng, o ka dira kopo ka molomo. Motlatsamotlhankedi wa Tshedimosetso (kgotsa morongwa wa gagwe) o tlatsa foromo mo boemong jwa mokopi mme a neye mokopi khopi ya foromo e e tladitsweng.
- (b) Motlatsamotlhankedi wa Tshedimosetso (kgotsa morongwa wa gagwe) o tla thusa mokopi go ikamanya le ditlhokego tse di neetsweng fa godimo go dira kopo ya phitlhelelo ya tshedimosetso, go akaretse le go romela mokopi, fa go lebega e kete kopo ya tshedimosetso e ne e tshwanetse go dirwa kwa mokgatlong o mongwe wa puso, kwa mokgatlong o mongwe oo.

9.4 Tshutiso ya dikopo

- (a) Dikopo tsa direkoto di ka sutisetswa kwa mokgatlong o mongwe wa puso ka fa tlase ga mabaka a a latelang:
 - (i) Fa rekoto e tshotswe ke mokgatlo o mongwe wa puso;
 - (ii) Setlhogo sa rekoto se amanngwa thata le ditiro tsa mokgatlo o mongwe wa puso;
 - (iii) Rekoto e ne e tshametswe mokgatlo o mongwe wa puso; kgotsa

- (iv) Rekoto e na le tshedimisetso ya kgwebo e e amanang le dikgatlhego tsa ikonomi le boitekanelo jwa ditšhelete jwa Rephaboliki, le ditirwana tsa kgwebo tsa mekgatlho ya puso.
- (b) Mo mabakeng ao Motlatsamotlhankedi wa Tshedimisetso (kgotsa morongwa wa gagwe) o tla tshwanelwa ke go sutisetsa kopo kwa mekgatlhong o mongwe wa puso ka bonako jo bo kgonagalang, fela e seng morago ga malatsi a le somenne (14) a go amogela kopo. Fa mekgatlho wa puso kgotsa Motlhankedi wa Tshedimisetso yo kopo e dirilweng go ena a tshotse rekoto e bile a bona go le mosola go dira jalo go kgontsha Motlhankedi wa Tshedimisetso wa mekgatlho o mongwe wa puso go sekaseka kopo, rekoto kgotsa khopi ya rekoto e tla romelwa go Motlhankedi yoo wa Tshedimisetso.
- (c) Fa kopo ya phitlhelelo ya rekoto e sutisitswe, e tshwanetse go tsenngwa mo khomputareng go tloga ka letlha la ntlha la kamogelo. Dipaka tsa nako tsoitlhe tse di maleba tse di tsamaelanang le kopo ya tshedimisetso di tshwanetse go obamelwa.

9.5 Kitsiso ya tshutiso

- (a) Fa kopo ya phitlhelelo e sena go sutiswa, Motlatsamotlhankedi wa Tshedimisetso yo o dirang tshutiso o tla itsise ka bonako mokopi ka ga:
 - (i) tshutiso;
 - (ii) lebaka la tshutiso; le
 - (iii) paka eo kopo e tshwanetseng go konosetswa ka yona.
- (b) Motlatsamotlhankedi wa Tshedimisetso o tla netefatsa gore rekoto e a bolokwa go fitlhela tshwetso e dirwa ka ga phitlhelelo ya tshedimisetso. Dinako tsa boikuelo di tla akaretswa.

10. TUELO YA DITUELELO GO YA KA MOLAO

- (a) Mokopi ka namana

Mongwe le mongwe yo o tlhokang tshedimisetso e e ka ga gagwe o bidiwa mokopi ka namana e bile o golotswe mo go dueleng tuelelo ya mokopi.

- (b) Mokopi

Tuelelo ya kopo e e duelwang ke R35-00 jaaka go beilwe ke Melawana ya PAIA. Mo go dimo ga moo, fa dikhopi kgotsa dikwalololo di kopilwe, tsona di tla duediswa go latela thulaganyo ya dituelelo jaaka e beilwe ke Melawana e bile o ka duedisa mabapi le nako e e tserweng mo go diragatseng kopo.

10.1 Mokgwa wa tuelo

Dituelo tsotlhe di tla dirwa ka mokgwa wa madi a a seatleng a a duelwang kwa bokaeding jwa ditšhelete jwa Lefapha kwa *Tourism House*, 17 Trevenna Street, Sunnyside, Pretoria, ka nako ya tiro kgotsa ka go diposita madi mo akhaontong ya banka ya Lefapha.

Dintlha tsa banka tsa Lefapha di eme jaana:

Mong wa Akhaonto: Department of Tourism

Leina la Banka: ABSA

Mofuta wa Akhaonto: Deposit Acc. (Current)

Nomoro ya Akhaonto: 40 7532 7895

Khoutu ya Lekala: 632005

ELA TLHOKO: Ga go kopo e e tla diragatswang ntle le fa tuelelo ya kopo, mo go tlhokegang, e dirilwe go ya ka Karolo 22(1) ya Molao.

11. DITHARABOLOLO TSE DI LENG TENG FA GO SA IKAMANNGWA LE DIKABELO TSA MOLAO

11.1 Boikuelo jwa ka fa gare

Bolaodi jwa boikuelo jwa ka fa gare mabapi le maitlomo a PAIA ke Tona ya Bojanala. Morago ga go dirisa tharololo ya boikuelo jwa ka fa gare kopo e ka dirwa le kgotlatshekelo go tsamaelana le karolo 78 go fitlha go 82 ya Molao.

11.2 Foromo

(a) Mokopi o ka dira boikuelo jwa ka fa gare kgatlanong le tshwetso ya Motlatsamotlhankedi wa Tshedimosetso ya go gana kopo, kgotsa kgatlanong le kopo le tuelelo ya phitlhelelo, kgotsa kgatlanong le katoloso ya nako ya go sekaseka kopo, mo foromong e e neetsweng e e gatisitsweng mo Melawaneng e e rebotsweng go ya ka PAIA, kgotsa mo foromong e e tsamaelanang le foromo eno. Khopi ya foromo eno e mametleletswe mo mosupatseleng ono jaaka Mametlelelo B. Dikhopi tsa foromo eno di ka fitlhelwa gape kwa diofising tsa Lefapha kgotsa tsa Motlatsamotlhankedi wa Tshedimosetso yo o kailweng mo Mosupatseleng ono. Foromo e ka fitlhelwa gape mo webesaeteng ya Lefapha.

- (b) Modiraboikuelo o tshwanetse go tlamela ka mabaka a boikuelo jwa ka fa gare, mokgwa o a ka ratang go itsisiwe ka ga tshweto ya boikuelo ka ona e bile o tshwanetse go duela tuelelo e e beilweng ya boikuelo (fa e le teng).
- (c) Morago ga go amogela boikuelo, Motlankedi wa Tshedimose tso o tshwanetse mo malatsing a le lesome (10) a tiro go romelela Tona, boikuelo jwa ka fa gare, mabaka a boikuelo, le dintlha tsa moamegi yo mongwe, fa a le teng.
- (d) Boikuelo bo tshwanetse go dirwa mo malatsing a le masome a marataro (60) kgotsa fa kitsiso go maoamegi e tlhokega go ya ka karolo 49(1)(b) ya PAIA, mo malatsing a le masome a mararo (30) morago ga fa kitsiso e sena go newa Modiraboikuelo wa tshwetso e boikuelo bo dirilweng kgatlhanong le yona, kgotsa fa kitsiso go Modiraboikuelo e sa tlhokege, morago ga fa tshwetso e sena go dirwa. Boikuelo bo tshwanetse go dirwa go aterese, nomoro ya fekese kgotsa aterese ya imeile ya Motlatsamotlankedi wa Tshedimose tso.
- (e) Tona o tla letla boikuelo jo bo dirilweng thari fa fela mabaka a Modiraboikuelo a utlwagala. Fa Modiraboikuelo a ka dira boikuelo mo nakong e e sa letlelelwang, modiraboikuelo o tla itsisiwe fa boikuelo jwa gagwe jo bo thari bo letleletswe kgotsa nnyaa.

11.3 Tuelelo ya boikuelo

Modiraboikuelo o tshwanetse go duela tuelelo ya boikuelo e e beilweng (fa e le teng). Tshwetso ka ga boikuelo jwa ka fa gare e ka sekegwa go fitlhela tuelelo ya boikuelo e duetswe.

12. TLHABOLOLO YA MOSUPATSELA

Mosupatsela ono o tla tlhabololwa bonnye gangwe (1) ngwaga le ngwaga. Mosupatsela wa Lefapha go ya ka karolo 14 ya Molao wa Tswelsetso ya Phitlhelelo ya Tshedimose tso, 2000 o phasaladitswe ka dipuo tse tharo (3) tsa semmuso.

13. PHITLHELELO YA MOSUPATSELA

- 13.1. Mosupatsela o tla fitlhelelwa mabapi le go tthatlhojwa kwa diofising tsa Lefapha la Bojanala ntle le tuelelo;
- 13.2. Dikhopi di ka fitlhelelwa ka kopo le ka tuelelo e e beilweng kwa Lefapheng la Bojanala;
- 13.3. O ka fitlhelelwa gape mo webesaeteng ya Lefapha la Bojanala (<http://www.tourism.gov.za>); le

13.4. Kwa Khomišeneng ya Ditshwanelo tsa Botho go tsamaelana le temana 4(1) ya Melawana e e goleditsweng go ya ka PAIA.